

SECTION VIII. 381

roit-ce, si nous cognoissions leur force & nature & à quel usage chacune estoille est destinée? Toutesfois ce sage Architecte du monde, gouverne en telle sorte leur puissances & vertus, qu'il n'endure point, que nous soyons astraincts sous la nécessité du Destin.

TH. Dy-moy donc, ie te prie, si les choses celestes ont esté créées pour les hommes? MY. Ta demande est telle, comme si tu t'enquerois de moy, si les hommes ont esté faicts pour les bestes: car c'est vne reigle infallible, que la fin est tousiours plus excellente, que les choses, qui tendent à elle. Car, qui seroit cestuy-là, pourueu qu'il ne fust insensé, qui pensast que les choses terrestres fussent par dessus les celestes, les elements par dessus les astres, les tenebres par dessus la lumiere, & les effects par dessus les causes mesmes? Toutesfois l'arrogance de l'homme, l'imbeillité & l'erreur sont venus iusques là, qu'ils croyent que les astres & estoilles, par lesquelles ils reçoient vn' infinité de biens, n'ont esté créés pour autre fin, que pour leurs commoditez.

De la force & puissance de la Lune & des autres Planetes sur les corps inferieurs.

SECTION VIII.

TH. Nous a-on pas laissé par art la nature & force des estoilles? MY. Plusieurs nous ont laissé par escript beaucoup de vaines menteries, mais il y en a bien peu, qui nous ayent escript de

de telles choses selon la verité, & mesme ceux-cy en escriuent tant maigremēt, qu'on ne pourroit trouuer aucune doctrine, en laquelle telle cognoissance soit moins attaincte, hors-mis, que de la Lune; laquelle pource qu'elle est proche de la terre, & qu'elle illumine la nuit, demonstre aprez le Soleil sa force & nature avec plus d'efficace sur les corps inferieurs, & principalement sur les eaux, que ne fait aucun autre flambeau celeste.

TH. Pourquoi? MY. Pource qu'elle s'approche le plus de la nature des elements: car sa clairté n'est point nette, mais tachetée de macules blanchastres, voilà pourquoy les Hebreux l'appellent *Labaneth*, & les Grecs en mesme signification *Λευκόθυαν*, parce que ceux, qui l'ont en leur natiuité sont plus blancs que les autres.

TH. Dy-moy doncques, qu'elle vertu elle-a aux eaux? MY. Certainement admirable: parce que, lors qu'elle se leue, la mer s'enfle & espond ses ondes sur le riuage, iusques à ce que cest astre admirable aist attainct la ligne Meridionale, lequel venant à descendre du plus haut lieu de l'Hemisphère du iour vers le couchant, la mer pareillement se retire de son riuage dans les golphes de l'Océan: Ainsi la Lune s'estant cachée soubz l'Horizon, la mer commence derechef de s'enfler & espondre ses ondes par les plages maritimes, iusques à ce qu'elle aist attainct l'autre ligne de la minuit, laquelle venant à monter du plus bas lieu de l'Hemisphère de la nuit vers l'Orient, la mer semblablement renuoye ses eaux du bord au creux de l'Océan.

TH.

TH. Certes j'ay veu belà avec grand' admiration, mais ie te demande, d'où vient qu'elle retarde son flux & reflux tous les iours presque d'une heure? MY. De ce que la Lune se leve plus tard, car elle se retire tous les iours en arriere par son propre mouvement pres de quatorze degrez, desquels il en faut quinze pour faire vne heure esgale: de là vient, que si l'Océant a couuert de ses eaux le riuage à midy, le iour suiuant il n'y viendra qu'environ l'heure premiere, le troisieme iour à deux heures apres midy; parce que la Lune a retardé son cours d'autant d'heures ou peu s'en faut.

TH. D'où vient, que la mer s'enfle plus fort, quand la Lune est conioincte ou opposée au Soleil qu'estant en sa quadrature ou en l'aspect Sextil? MY. De ce que les astres ont vne force admirable estans Diametralement opposez, & encor' plus grâde quand ils ont conioinct leurs lumieres: d'ailleurs la Lune est en l'opposition & conionction en son Auge; tellement, qu'elle semble de ce lieu attirer à soy les eaux de l'Océan & les tenir suspendues de leur golphes en l'air: mais elle n'a pas tant de distance en sa quadrature, pource qu'elle est en son Perigée, où elle s'est approchée d'autant d'espace de l'Océan, que l'Océan est esloigné d'elle.

THEO. D'où vient que le flux de la mer est plus grand aux conionctions des luminaires, qui se font environ les deux Equinoxes, & principalement environ celui de Septembre, veu que en ce tēps là les eaux sont plus basses en tous les fleuves & fontaines à cause de la seicheresse.

K K K

384 CINQUIÈME LIVRE

se d'Esté precedent) M Y S T. Pource qu'en ce mois les deux lumineux sont conjoincts ou opposez sur l'Equateur le plus grand cercle, qui diuise le monde en deux esgales parties.

T H E. D'où vient que l'air se fait tranquille & serein, quand la Lune se conioinct au Soleil? M Y S. l'estime que les Grecs ont appelé pour ceste cause le temps de la conionction $\sigma\gamma\lambda$, comme qui diroit temps de silence: mais seroit-ce, que le Soleil luy tienne alors sa force refrenée, à fin qu'elle n'excite l'air? Car nous auons desia monstté, que le mouuement de l'air dependoit du Soleil.

T H E. D'où vient, que le quatriesme iour de la Lune monstre le plus souuent en quel estat doit estre tout le reste du mois, selon ce qu'en dit Virgile au premier des Georgiques:

*Si la Lune au matin de sa quarte naissance,
Laquelle tout le mois conduit sous sa puissance,
Esteue purement les cornes de son front
Tourne vers le Soleil en cercle demy-rond.
Tout ce iour & ceux, qui tiennent leur origine
Du mesme iour, seront sans eau, vent & bruine.*

M Y S T. C'est vne chose qu'on void souuent, mais l'experience monstre qu'elle n'est pas tousiours asseurée. Toutesfois, j'opine qu'autre chose n'est cause de cecy, que son premier aspect sextil, qui commence à desployer sa force en ce temps là, auquel elle est paruenue à deux signes par de là le Soleil: ou bien à cause qu'elle a de coustume d'estendre lors sa lumiere & ses rayons plus apertement en terre.

T H E. D'où vient, que la Lune deuenant
vieille,

vieille, les humeurs des plantes & animaux se diminuent, & que les os se voident de moëlle, que le cerueau s'extenue, & que la force de tous les corps elementaires se debilité? M y s. Seroit-ce pour-autant que la Lune deuenant vieille, se tourne de la region elementaire vers le ciel? Car tout ainsi, que le foye est le siege de la nature vegetale des animaux, tout de mesme la Lune tient la place du foye en la nature vegetale des corps elementaires.

T H E. Pourquoi cueillit-on en Lune vieille, ce qu'on veut garder long temps sans corruption, comme les arbres en les coupant pour bastir, la laine en la rondant pour drapper, le bled en le vanant pour mettre au grenier, & les animaux en les chastrant, à fin que tout cela se fasse avec moins de danger en la vieille Lune, qu'en la nouvelle, au descroissant qu'au croissant? M y s. Pource qu'alors toutes choses ont moins de chaleur & d'humidité, qui sont les deux qualitez, desquelles prend naissance la pourriture & corruption en toutes choses.

T H E. D'où vient, que les furieux sont plus insensez en la pleine Lune, qu'en autre saison? M y s. De ce que le cerueau s'enfle alors si fort, qu'il remplit tout le test de la teste, lequel au defaut de la Lune laisse bien souuent plus de deux doigts d'espace vuide, tant il se comprime: de sorte que ceux, qui sont subiects à l'ebullition de sang avec inflammation du cerueau, sont en danger d'estre suffoquez en la pleine Lune par la force des esprits, qui le dilatent iusques à creuer, comme il aduint à Ioachim du

Bellay Poëte de mon pais lors qu'il s'en retournoit en sa maison venant de soupper. Et mesme les Singes sont plus tristes au descroissant de la Lune, qui toutes-fois se resioüissent outre mesure, quand elle est au plein. Voilà pourquoy les Romains auoyent de coustume de tirer du sang pour punition militaire, à fin que par ceste euacuation les esprits se rafraischissent, & que par le rafraichissement de toute la personne l'insolence ou desbordement du Soldat fust reprimé: or on ne pourroit tirer plus commodement du sang, que lors que la Lune a augmenté sa lumiere.

THE. Pourquoi est-ce, que les Anglois battent les Furieux le quatorziesme iour de la Lune? MY S. Ils ont ceste coustume de les battre, & principalement à Londres en l'Eglise appelée de Nazaret, dequoy estant tout esmerueillé, ie m'enquis de la cause à leurs gardes, qui me firent entendre, que c'estoit pour reprimer leur fureur. Les prestres en France ont de coustume d'vser de mesme seuerité à l'endroit des fols & insenséz, lesquels on mene à S. Restitue aupres de Soissons, & à S. Maturin au pais de Beayssé en les pinçant, picquant, & en leur arrachant le poil, ausquelles façons de faire ils adioustent quelques prieres avec des coups. Les Anglois font cecy le quatorziesme iour de la Lune, car c'est lors principalement que le sang & les esprits bouillent aux venes.

THE. Il me semble aduis, que telles choses sont plustost pour faire deuenir vn homme sage insensé, que de reduire vn homme insensé

en